



PORTA-VOZ
V GOVERNUNU
KONSTITUSIONAL



**KOMUNIKADU
BA MEDIA**

Loron 8 fulan-Outubru tinan 2013
Dili, Timor-Leste

Timor-Leste invoka ajenda kona-ba Konsolidasaun Pás no Konstrusaun Estadu nian durante Assembleia Jerál Nasoins Unidas nian tinan 2013

Prezidente Repúblika Demokrátika Timor-Leste, Taur Matan Ruak, lidera Delegasaun Timor-Leste nian iha Assembleia Jerál Nasoins Unidas nian tinan 2013. Representa husi Timor-Leste Ministru Estadu no Negósiu Estranjeiru no Kooperasaun, José Luís Guterres, Ministra Finansa, Emília Pires no Ministru Edukasaun, Bendito Freitas.

Forum anuál, ne'ebé nafatin hala'o iha fulan Setembru, halibur Líder mundiál sira Estadu-membru Nasoin Unidas nian atu informa kona-ba kondisaun país no rejiaun sira, no mós, atuhodi ko'alia no diskuti kona-ba dezafiu koletivu globál oioin.

Ne'e mak hanesan tinan ba dahuluk ne'ebé Timor-Leste marka prezensa iha Assembleia Jerál, hafoin remata tiha ho susesu iha Misaun Nasoin Unidas nian ba Timor-Leste (UNMIT), iha Dezembru tinan 2012. Retirada ho susesu UNMIT nian hosi Timor-Leste konsidera hanesan marku importante ida ba trajetória dezenvolvimentu Timor-Leste nian, ho Autoridade Nasionál ne'ebé hetan ona rezultadu di'ak kona-ba harii Estadu iha setór oioin. Liuliu iha setór Seguransa Nasionál, hetan ona louvor tanba konsege mantein pás no estabilidade iha país.

Prezidente, dirije ba Assembleia Jerál, hateten: “ Povu timor-oan daudaun ne'e, iha ona nia liman, responsabilidade tomak atu harii ninia futuru. Nasaun ne'e hasoru dezafiu ho esperansa no optimizmu ne'ebé aas”.

Membru delegasaun Timor-Leste nian hotu kumpre duni programa ida ne'ebé okupadu tebes ho eventun sorumutu sira durante hela iha Nova lorke. Ministru Guterres partisipa iha sorumutu bilateral sira, ne'ebé inklui serimónia kona-ba estabesimentu relasaun diplomátika ho Trinidad no Tobago, Letónia no Lituánia. Iha biban hanesan, asina akordu kooperasaun téknika ida ho Repúblika Argentina. Entre sorumutu oin-oin Altu-Nível nian hirak ne'ebé mak nia partisipa, nia sai mós nu'udar elementu ida husi painél, eventun ida ne'ebé hetan tulun husi Timor-Leste, Finlândia, Guatemala, Filipina no Ruanda ne'ebé hanaran “Atu garante sosiedade ne'ebé pasífika, justa no fleksível iha períodu pós-Ajenda Dezenvolvimentu tinan 2015”. Durante eventun ne'e, reflesaun sira, kona-ba jornada harii pás nian ba Timor-Leste, simu ho interese boot tebes.



Ágio Pereira
+670 7723 0011
agio.pereira@cdm.gov.tl
govtmedia@gmail.com
www.timor-lesste.gov.tl

Ministra Finansa, Emília Pires, partisipa iha eventua no sorumutu oinoin, ne'ebé inklui ninia apresentasaun hodi representa Timor-Leste, iha Intervensaun ida iha Mesa Redonda nian iha "Eventu Espesiál hanesan meu ida atuhodi aselera Objektivu Dezenvolvimentu Miléniu nian". Iha biban ida ne'e mós, nia representa Timor-Leste hanesan presidente g7+ nian, iha tempu han matabixu/ Sorumutu Ministeriál Nível-Aas ne'e, ne'ebé organiza hosi Timor-Leste, Sudão do Sul no Dinamarca, ne'ebé hanaran "Koloka Dame iha Fuan ba Dezenvolvimentu Sustentadu". Eventu ida ne'e fó biban ba Timor-Leste atu hodi promove Ajenda ba Harii Dame no Harii Estadu no muda comunidade internasionál atuhodi tau Dame hanesan prioridade, nu'udar aliserse importante ba dezenvolvimentu sustentadu. G7+ halo beibeik nia deklarasaun liuhusi emblema: "Laiha dame sei laiha dezenvolvimentu no laiha dezenvolvimentu sei laiha dame".

Nu'udar presidente ba g7+, Timor-Leste lori, ba ajende globál, esperiénsia ida únika kona-ba estratéjia públia no lideransa ne'ebé lori nasaun sai hosi situaun ne'ebé frájil (fraku hela), liu hosi Harii Dame no Harii Estadu. Fórum g7+ hosi estadu 18 ne'ebé iha kondisaun frájil no afetadu husi konfliktu halo nafatin presaun kona-ba comunidade internasionál atu muda forma envolvimentu tradisionál ba modelu foun ida ne'ebé bazeia ba iha rezultadu no optimizasaun rekursu nian sira ba rezultadu hirak ne'ebé efikaz, ba prazu ida naruk.

Ministru Bendito Freitas, aleinde apresentasaun hirak seluk, halo mós apresentasaun ida iha "Eventu kona-ba Direitu Umanu ba Edukasaun iha ajenda dezenvolvimentu nian pós-2015", hodi diskuti knaar edukasaun nian iha Timor-Leste no nia apresenta mós proposta ba knaar edukasaun nian iha período pós-Ajenda Dezenvolvimentu 2015. Nia hatete katak, "edukasaun mak dalan importante ba dame, dezenvolvimentu no respeito ba direitu umanu sira".

Porta-Voz V Governu Konstitusional, Ministru Agio Pereira, hatete katak, "delegasaun ne'e fó kontribuisaun ida importante iha Nova lorque, hodi aumenta vizaun Timor-Leste nian iha senáriu globál, hodi estabelese rede kooperasaun foun no hodi defende ajenda harii dame no harii Estadu. Esforsu hirak ne'e sei fó benefísiu ba Timor-Leste nune'e mós ba país sira seluk, hodi buka nia dalan ba reziliénsia (habiit-an)". **FIN**



Ágio Pereira

+670 7723 0011

agio.pereira@cdm.gov.tl

govtmedia@gmail.com

www.timor-lesste.gov.tl